



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Et Conventvi Monasterij Abolen.

urn:nbn:de:hbz:466:1-20006

gratia, odio, vel timore subtraxerint,
quò minus testimonium perhibeant ve-
ritati, ad id per distinctionem ecclesiasti-
cam appellatione remota compellas.
Datum Laterani III. Nonas Martij.

G. L V N E N. E P I S C O P O
ejusque successoribus canonice substituendis
in perpetuum.

Epist. 41.
Super conce-
fatione & confir-
matione Abo-
len monasterij,
ad Romanam
Ecclesiam pet-
tingentis.

Ampla divino munere manus apo-
stolicę sedis hos humiliat, hos exal-
tat, his superflua subtrahit, aliis necel-
faria subministrat. Ipsa etenim, tanquam
mater omnium generalis, cùm perfonarum
merita, & temporis & loci qualita-
tem attendat, hos onerat, hos honorat;
immo sèpius honorem oneribus & onus
honore compensans, & onerat honorata-
tos, & oneratos honorat. Hac siquidem
ratione inducti, specialem gratiam, quam
ad personam tuam tuis exigentibus me-
ritis & Lunen. Ecclesiam propter te ge-
rimus, attendentes, ac volentes ipsius
Ecclesiae utilitati consulere, de communi-
ni fratrū nostrorum consilio monaste-
rium Abolense, quod ad jurisdictionem
sedis apostolicae pertinebat, cum perti-
nentiis suis tibi & per te ipsi Ecclesiae
concedimus, confirmamus, & præsentis
scripti privilegio communimus, tam te
ipsi prodesse quām præesse volentes, ut
honorem quem super hoc tibi exhibe-
mus attendens, onus & provisionem
ipsius monasterij taliter exequaris, quòd
in temporalibus & spiritualibus per-
tuum studium, actore Domino, refor-
metur; nec tu aut successores tui privi-
legium amittere debeatis, si concessa
vobis abusi fueritis potestate. Decerni-
mus ergo &c. Salva sedis apostolicę au-
toritatem. Si qua igitur in futurum &c.
Datum per manum Rainaldi Domini
PP. Notarij, Cancellarij vicem agentis,
XVII. Kalend. Aprilis, Indict. prima,
incarnationis Dominicæ anno M. C.
XCVIII. pont. verò Domini Innocentij
PP. iij. anno I.

ABBATI ET CONVENTVI
Monasterij Abolen.

Epist. 42.
Vt Episcopo
Lunen. debeat
obedientiam &
reverentiam
exhibere.

Ampla divino munere manus &c.
ut supra ferè in eundem modum us-
que ad verbum reformetur. Quocirca
universitati vestra per apostolica scripta
præcipiendo mandamus, quatenus ipsi
tanquam Episcopo vestro reverentiam
& obedientiam de cetero exhibentes,

salubria monita & precepta ipsius irre-
fragabiliter ac sine qualibet contradic-
tione serveris. Datum Laterani.

KNES NEN. ARCHIEPISCOPO
& suffraganeus ejus.

Apostolica sedis benignitas, sicut
ex debito pastoralis officij ad om-
nes fideles generaliter affectum carita-
tis extendit, sic eos, quos circa servi-
tus suum & Christianitatis honorem
devotiores invenerit, speciali tenetur
patrocinio confovere. Vnde fidem &
devotionem dilecti filii nobilis viri Bo-
lezlai Ducis Poloniae sancta Romana Ec-
clesia, cuius sumus regimini, sicut Do-
mino placuit, deputati, manifestis jam-
dudum experta indicis, merito ipsum
brachis specialis dilectionis amplecti-
tur, & in justis petitionibus ejus inveniri
gaudet facilis & benigna. Sanè cùm plu-
ries, sicut accepimus, apostolicum rece-
perit fraternalis vestra mandatum, ut
memoratum Duce, quem sicut catho-
licum Principem & Ecclesiae Romanæ
filium speciale quadam dilectionis
prærogativa complectimur, ab impu-
gnatoribus suis auctoritate curaretis
apostolica defensare, sibi que contra ho-
stium suorum violentos insultus ecclesi-
asticae defensionis clypeum indulgere,
nondum tamen, sicut nobis intimatum
est, commodum aliquod de literis apo-
stolicis reportavit, nec prædecessorum
nostrorum Romanorum Pontificum jus-
tiones, quæ super hoc sèpius emanasse
noscuntur, effectus est debitus subsecu-
tus. Quare merito de inobedientia potes-
tis & negligencia reprehendi. Quia igitur
in eo loco nos clementia divina con-
stituit, ut suam cuiilibet debeamus justi-
tiam conservare, fraternali vestra per
apostolica scripta mandamus, & distri-
cte præcipimus, quatenus universis Poloniæ
Ducibus ex parte nostra curetis
districtiis inhibere, ne præfatum Du-
cem in persona vel rebus offendere præ-
sumant quomodolibet, vel turbare, aut
ei super his quæ in præsentiarum ratio-
nabiliter possidet, aut in futurum justis
modis poterit, Deo propitio, adipisci,
molestiam inferre audeant indebet, vel
gravamen. Quòd si commonitionibus
veltris acquiescere fortè noluerint, vos
eos ad hoc per excommunicationis sen-
tentiam auctoritate nostra sine appellatio-
nis obstaculo compellatis. Nos enim
senten-

Epist. 43.
Vt impugnat-
ores B. Ducis Po-
lonie, nisi ab
ipsius molesta-
tione defici-
ent, ecclasiati-
ca cenuita per-
cellant.